

S25-4

1474

1部

外臺祕要

卯 11

1

共 40 册

訂唐王燾先生外臺秘要方第二十二卷目錄

耳鼻咽喉五十六門

耳聾方二十二首

風聾方三首

耳聾有膿方三首

久聾方五首

耳鳴方六首

聾耳方一十首

耳卒疼痛方三首

耳卒腫方二首

通耳中膿方二首



蟲入耳方九首

蜈蚣入耳方三首

蚰蜒入耳方三首

飛蛾入耳方二首

蟻入耳方二首

耳雜療方八首

鼻中息肉方一十一首

鼻鼈方五首

肺寒鼻鼈方二首

鼻窒塞不通利方七首

鼻塞常清涕方二首

鼻生瘡及痔蟲食方九首

牙疼方八首

齒痛方一十一首

齒疼方六首

牙齒疼痛方八首

鑿齒方五首

齒風痛疼方三首

齧齒方七首

齒蟲方五首

尚德按
痛疼疑
當作疼
痛

風齒方四首

風齒根出方二首

風齒口臭方二首

牙齒風齩方三首

牙齒疼風蟲俱療方五首

風衝牙齒搖動方二首

疳蟲食齒方一十首

齒痛有孔方四首

齒挺出及脫落方五首

齒間血出方三首

齒血不止方四首

齒腫方二首

牙疼痛及蟲方三首

牙齒雜療方七首

緊唇方一十三首

瀋唇瘡爛方五首

唇瘡方三首

口瘡方一十一首

口瘡久不差方二首

口吻瘡方四首

口乾燥方五首

口臭方九首

舌論一首

舌本縮口噤方二首

舌上瘡方二首

咽喉舌諸疾方七首

今附方七首

口脣舌鼻雜療方一十四首

今附方六首

唐王燾先生外臺秘要方第二十二卷

宋朝散大夫守光祿卿直秘閣判登聞鼓院上護軍臣林億等

上進

新安後學程衍道敬通父訂梓

耳聾方三十二首

病源腎為足少陰之經而藏精氣通於耳耳宗脈之所聚

也若精氣調和則腎氣強盛耳聞五音若勞傷血氣兼受

風邪損於腎藏而精脫精脫者則耳聾然五藏六腑十二

經脈有絡於耳者其陰陽經氣有相并時并則有藏氣逆

名之為厥厥氣相搏入於耳之脈則令聾其腎病精脫耳

聾者其候頰顴色黑手少陽之脉動而氣厥逆而耳聾者其候耳內燁燁焮焮也手太陽厥而耳聾者其候聾而耳內氣滿養生方云勿塞故井及水瀆令人耳聾目盲其湯熨針石別有正方補養宣導今附於後

養生方導引法云坐地交叉兩脚以兩手從曲脚中入低頭又項上治久寒不自温耳不聞聲又云脚著項上不息十二通必愈大寒不覺暖熱久頑冷患耳聾目眩久行即成法法身五六不能變

出第二十九卷中

廣濟療耳聾方

生地黄

長一寸半肥者

杏仁

七枚去皮熬令黃色

巴豆

七枚去皮熬令黃

通按
身句
未詳

印成塩 二顆

髮灰 半錢

右五味搗碎研堪丸如藥核人大用髮薄裹內耳中日

一易耳內當痛有水出卽去當直以髮塞耳耳內黃水

出痛甚不得更著若未差還依前著藥取差 千金翼同

又療耳聾不聞人語聲方

松脂 四分

巴豆 二分去皮心熬

麻子仁 二分

臘 二分

薰陸香 二分

石塩 二分

右六味搗如膏丸棗核大內耳中三日一易取差

集驗療耳聾方

杏仁 去皮尖熬

葶藶子 熬

鹽末 各等分

兩德按
陳疑當
作蠟

石三味搗研以少許豬脂和合煎以綿裹塞耳

又方

附子 炮

瓜子

杏人 去皮熬各等分

右三味搗以綿裹塞耳中

千金療耳聾方

淳醋微火煎附子五六宿削令可入耳以綿裹塞耳

中取差

尚德按千金作一宿

又方

巴豆

十四枚去皮心熬

鍊成松脂

二分

右二味合搗丸如黍米簪頭著耳中以差為度

通按五六宿有作一宿

尚德按千金云

神效以
著頭著

耳中日

一易藥

如硬微

火灸之

以汁出

乃愈

高德按

千金大

棗十五

收

又方

以竹筒盛鯉魚腦蒸之令焯以灌耳中

又方

雄黃硫黃各等分綿裹塞耳中數月聞

又方

取鐵燒令赤投酒中飲之仍以磁石塞耳中差

又方

革麻子

一百粒
去皮

大棗

十九枚
去皮核

右二味擣丸如杏人內於耳中二十日差

又方

芥子搗碎以男乳和綿裹塞耳取差

又方

作泥餅子厚薄如鐔飽覆耳上四邊勿令洩氣當耳

孔上以刺泥餅穿作一小孔於上以艾灸之百壯候

耳中痛不可忍則止頃側耳瀉却黃水出盡即差灸

時泥乾即數易之

又方

截箭竿竹二寸內耳中以麩擁四畔勿冷洩氣灸箭

上七壯取差

並出第六卷中

崔氏療耳聾方

鄭少卿云頻用

通按

一作

餽餽

尚德按

千金鐔

餽作餽

餽皮刺

字上有

草字

尚德按

千金箭

竿竹作

箭箭箭

上作筒

尚德按 波律膏 即婆律 香李時 珍本草 龍腦香 下藤恭 曰龍腦 是樹根 中乾脂 是根下 清脂舊 出婆律 國因以 為名也

波律膏 一 蜺殼無以大麻脂一合 小器中煎取一蜺殼替之 通按波律膏 疑即胡桐淚

楓木脂 半兩無以薰陸香 替以乳頭香更佳 松脂 半兩 研

巴豆 三七枚去 皮熬研 蠟 如彈丸大

右五味先擣松脂巴豆一千杵次下大麻油令熟丸如

棗核大一頭尖通中作孔以綿裹塞耳數日一易更互

塞之取差不得併塞 出第四卷中

備急療耳聾菖蒲根丸方

菖蒲 一寸 巴豆 一枚去 皮心

右二味合擣可丸分作七丸以綿裹塞耳中日別一丸

取差 册後同

又菖蒲散方

菖蒲 二兩

附子 二兩
炮

右二味擣篩以苦酒和丸如棗核許綿裹臥即塞耳中

夜一易之十日有黃水出便差

肘後千金崔氏尚德按崔氏下疑脫同字

又方

磁石

菖蒲

通草

薰陸香

杏仁

去皮熬

車麻子

去皮

松脂

等分

右七味擣篩以蠟及鷲脂和丸稍長作以釵脚子穿中

心為孔先去耳中垢然後內藥日再初著痒及作聲月

餘即差

殿中候監云非常良驗肘後同

尚德按
千金以
麻油和
用後療
耳痛不
可忍求
死者和
烏麻油
煉點耳
中見下

救急療耳聾方

真崑崙青木香一兩碎以苦酒浸一宿胡麻油一合
微火上緩煎之三上三下以綿濾去滓以點耳孔中
以差為度

必効療耳聾方

以好神明膏好棗核許內耳中日一度頻著以差三
五日以篋子挑耳中塞或痒取差亦治蟲入耳中

又方

取杏人七枚去皮搥碎為三分以綿裹各於中著一裹鹽如

小豆許以器承於飯甑中蒸之候飯熟出一裹令患

高德按
好來之
好疑當
作如

尚德按
進疑當
作準

之宋本
作中

耳者側臥和綿捻以油汁入耳中久又以一裹進前
捻之差為度

又方

雞矢白

半升熬令
黃色

烏豆

一升熬令
爆聲絕

右二味先取無灰酒二升及熱以沃之良久瀝去滓分
溫服厚取汗其耳如鼓鞞勿訝

又療耳聾神驗方

取純烏羊新濕糞和杏子脂石鹽末

右三味研滿耳孔中塞勿令風入乾即易之乃至七日

二七日耳內有聲漸大即以鞞筒長二寸內耳孔裏四

蚌以麩塞勿令氣出以麩薄餅子裹筒頭以艾灸上從
第一度灸三壯爲始耳內卽有烏塞乾膿出未間內裹
滿疼痛卽出之卽差但有塞卽須桃却還依前法乃至
一日兩日差卽停以後常用亂髮塞之甚驗

風聾方三首

大肉耳中以絲塞之更差

病源足少陰之經宗脉之所聚其氣通於耳其經脉虛風
邪乘之風入於耳之脉使經氣否塞不宣故爲風聾風隨
氣脉行於頭腦則聾而時頭痛故謂之風聾

出第二十九卷中

崔氏療耳風聾牙關急不得開方

細膏

取八角附子二 醎酢漬之二宿令潤徹削一頭內耳

中灸上十四壯令氣通耳中即差

出第四卷中

古今錄驗療風聾年久耳中鳴魚腦膏方

生雄鯉魚腦

八分

當歸

六銖

菖蒲

六銖

細辛

六銖

白芷

六銖

附子

六銖

右六味吹咀以魚腦合煎三沸三下之膏香為成濾去滓冷以一棗核大內耳中以綿塞之取差

又方

附子

菖蒲

各等分

右二味擣以綿裹塞兩耳中取差

耳聾有膿方三首

千金療耳聾有膿方

烏賊魚骨

去甲炙

釜底墨

各二分

附子

四分炮

禹餘糧

一分

龍骨

二分

伏龍肝

二分

右六味搗末取皂莢子許大綿裹內耳中日一易取差有蟲者加麝香一豆大

又方

搗桂末以魚膏和塞耳中不過三四度

並出第六卷中

必効耳聾有膿方

鯉魚腸

一具切

酢三合

右二味合搗以布裹塞耳兩食頃當悶痛白蟲出更著

新者蟲盡乃止取差無新者擇去蟲還可用良

下金同

久聾方五首

病源足少陰腎之經宗脉之所聚其氣通於耳勞傷於腎

宗脉虛損血氣不足為風邪所乘故成耳聾勞傷甚者血

氣虛極風邪停滯故為久聾 出第二十九卷中

廣濟療風聾三十年無所聞方

草麻子 五分

杏仁 四分 熬

桃人 四分 皮熬 去

巴豆 一枚 去皮熬

石鹽 三分

附子 一分 炮

薰陸香 一分

磁石 四分 研

菖蒲 四分

臘 八分

通草 二分

松脂 二兩 半

右十二味先擣菖蒲石鹽磁石通草附子薰陸香成末

別擣草麻子等四味乃內松脂臘擣一千杵可捻作丸
如棗核大綿裹塞耳中日四五度抽出別捻之三日一
易以差爲度

千金翼云日一易之

前後療二三十年聾方

取故鐵三十斤以水七斗漬之三宿取其水以釀七
斗米用麴如常法酒熟出酒一斗取引針磁石一斤
研末置酒中三宿乃可飲之取醉以綿裹磁石塞兩
耳中好覆衣衾臥酒醒良久去磁石卽聞人語聲也
飲盡更爲以差爲度甚良

千金同

又方

茱萸

巴豆 去皮熬

乾薑 各等分

右三味擣末以葱涕和以綿裹塞耳食頃乾去之更和塞之如此五日當覺病去無苦八九日便聞人語取差止常以髮塞耳慎避風

又方

柘根三十斤剉之以水煮用釀酒如常法久而服之甚良

古今錄驗療三十年聾方

天雄 一分

雞子 一枚

附子 一枚

右三味擣末取雞子開一孔取黃和藥却內雞子中封

合其頭還令雞覆之藥成以綿裹塞所聾耳中取差爲

度

耳鳴方六首

病源腎氣通於耳足少陰腎之經宗脉之所聚勞動經血而血氣不足宗脉則虛風邪乘虛隨脉入耳與氣相擊故爲耳鳴診其右手脉寸口名曰氣口以前脉浮則爲陽手陽明大腸脉也沉則爲陰手太陰肺脉也陰陽俱虛者此爲血氣虛損宗脉不足病苦耳鳴嘈嘈眼時妄見花此是肺與大腸俱虛也左手尺中名曰神門其脉浮爲陽足太陽膀胱脉也虛者膀胱虛也腎與膀胱合病苦耳鳴忽然

高德按
花病源
作光宗
本同

不聞時惡風膀胱虛則三焦實也膀胱為津液之府若三

焦實則剋消津液剋消津液故膀胱虛也耳鳴不止則變

成聾 出第二十九卷中

廣濟療耳鳴塞耳丸方

巴豆 二枚去皮熬

桃人 去皮熬二枚

松脂 大豆許

右三味擣作二丸綿裹塞耳中

又療耳鳴沸鬧方

吳茱萸 六首 巴豆 去皮熬

乾薑

石菖蒲

磁石 細辛各一分

右六味擣末以鵝膏和少許以綿裹塞耳中以鹽五升

石字下
宋本有
上字

布裹蒸之以熨耳門令其煖氣通入耳內冷復易之如
此數用差後常以亂髮卷以塞耳中慎風

肘後療耳中常鳴方

生地黃截斷塞耳口十易之以差一云紙裹微火中

煨之用良 出第四卷中

千金療耳鳴聾方

當歸

細辛

防風

附子

芎藭

白芷

各六
銖

右六味末之以雄鯉魚腦和煎三上三下膏香去滓以
棗核許塞耳中以綿裹之魚腦用六合微火鍊之

又方

通草

細辛

桂心

各三分

菖蒲

四分

附子

一分

礬石

一分

當歸

甘草

各二分

獨活

六分

葱涕

半合

右十味擣末以白鵝膏半合旋旋和以綿裹棗核大塞

耳中日三取差忌如常

又療耳聾鳴如流水聲久不治成聾方

生烏頭淨洗削如棗核大以塞耳中日一易之三日

愈亦療痒及卒風聾

並出第六卷中

聾耳方一十首

病源耳者宗脉之所聚腎氣之所通足少陰腎之經也
傷血氣熱乘虛而人於其經邪隨血氣至耳熱氣聚則生
膿汁故謂之聾耳

出第二十九卷中

廣濟療聾耳痒有膿不止菖蒲膏方

菖蒲 一兩

狼毒

附子 炮

磁石 燒

礬石

熬汁盡
各一兩

右五味擣篩以羊髓和如膏取棗核大塞耳中以差爲
度

又療聾耳膿血出方

取車轄脂綿裹塞耳中差

附後同千金治蟲入耳

又療聾耳方

黃連

龍骨

白欬

赤石脂

烏賊魚骨

各等分

右五味擣末以綿裹塞耳中每著以綿纏拭之著藥

肘後療聾耳耳中痛膿血出方

取釜月下灰吹滿耳令深日三易之每換卽以篋子

去之然後著藥取差爲度

千金云竈下灰薄耳中

又方

附子末以葱涕和灌耳中取差單葱涕亦佳側卧令

入耳中 出中卷

宋本無後字

又方

桃人熟擣以故緋絹裹塞耳中日三易以差為度

千

金同

又方

黃連

附子

炮各等分

右二味擣末以少許微微吹入耳中每著藥先拭惡物然後吹之

又方

釜月下墨末以猪膏和綿裹內耳中日再

集驗療聾耳出膿水散方

宋本無
後字

礬石

烏賊魚骨

黃連

龍骨

右四味搗末以棗核許綿裹塞耳中日再

千金療聾耳出膿方

黃礬石

烏賊魚骨

黃連

赤石脂

各一兩

右四味搗末以綿裹棗核大內耳中取差止日二

翼方用龍

骨無赤石脂出第六卷

耳卒疼痛方三首

病源凡患耳中策策痛者皆是風入於腎之經也不治流
入腎則卒然變脊強背直成瘓也若因痛而腫生癰瘡膿

潰邪氣歇則不成瘓所以然者足少陰為腎之經宗脉之

卷字下
宋本有
中字

所聚其氣通於耳上焦有風邪入於頭腦流至耳內與氣相擊故耳中痛耳爲腎候其氣相通腎候腰脊主骨髓故邪流入腎脊強背直

出第二十九卷中

爾後療耳卒疼痛方

蒸鹽以軟布裏熨之取差良

備急療耳疼痛有汁出方

熬杏仁令焦黑擣如泥作丸以綿裹內耳中頻易之

差

廣濟療耳卒疼痛求死者方

菖蒲

附子

各一分

右二味末以麻油和以點耳中立止
肘後崔氏同

耳卒腫方二首

肘後療耳卒腫出腫方

礬石燒末以葦管吹耳中日三四過或以綿裹塞耳

孔內取差

備急療耳卒腫方

栝樓根削可入耳以臘月猪脂煎之三沸冷以塞耳

中取差日三作七日愈
肘後治卒得風覺耳中恍惚

通耳中膿方二首

廣濟療耳膿水通耳礬石散方

出腫之腫宋本作膿

通按恍惚一作拱拱

尚德按恍惚許方切音諒自失也又虎是切與恍通恍惚也拱居悚切音拱戰慄也元本義自明白通引一本誤

搜

麻勃即

八麻花

之別名

也

東本無

二

不復

九

首宋

一作

首

吳白礬

八分燒汁盡

麻勃

一分青木香

二分松脂

四分

後宋本作然

右四味搗末先消松脂後入藥末可丸如棗核淨拭以

塞耳中取差

又療通耳膿水出方

吳白礬

八分燒令汁盡末

紅藍花臙脂

四十枚

右二味和粉淨拭耳中以粉粉之每拭然後著藥

蟲入耳方九首

廣濟療蟲入耳腫不聞人語聲有膿血出方

黃耆

四分

乾薑

一分

蜀椒

一分

宋本二分

右三味搗末以生地黃搗取汁和用綿裹棗核大塞耳

中日三夜一以差止

肘後療百蟲入耳方

苦酒漬椒灌之即出

又方

温湯灌耳中

又方

擣藍青汁以灌之

千金療蟲入耳方

取桃葉火熨以塞耳卷之入中

肘後同

又方

通按
木入疑
是火入
高德按
打木疑
當作打
水蓋是
彈水之

以葱涕灌耳中即出 並出第六卷中

崔氏療蟲入耳方

若甲蟲入耳者以火照之手打木入勿令損之即向

明出之或蚰蜒諸蟲入耳以酢灌之或麻油或人尿

亦佳或酢酪更妙

備急療蟲入耳方

以銅錢二七枚以猪膏煎之用將灌耳

又方

以兩刀於耳前相敵作聲蟲即出走

蜈蚣入耳方三首

肘後療蜈蚣入耳方

以木葉裹鹽炙令熱以掩耳上即出冷復易之驗

又方

閉氣滿即吐之復閉準前以出為度或死耳中徐徐以鉤針出之若積久不出者取新猪肉炙向耳中搨之以出為度

千金療蜈蚣入耳方

炙猪肉掩耳即出

集驗小品同出六卷中

蚰蜒入耳方三首

肘後療蚰蜒入耳方

尚德按
出字下
疑脫第

熬胡麻搗以葛囊盛枕之蟲聞香則自出

又方

以水銀大豆許瀉耳中欬卧空耳向下擊銅器即齒
十下卽出蚰蜒呼爲土蛄似蜈蚣黃色細長是也

傷急療蚰蜒入耳神効方

以牛酪滿耳灌之卽出當半消若入腹空腹食好酪
一二升卽化爲黃水不盡更服神効

肘後同

飛蛾入耳方二首

肘後療飛蛾入耳方

先大噏氣仍閉口掩鼻呼氣其蟲隨氣一口出

又方

閉氣以葦管極吹之即出

蟻入耳方二首

肘後療蟻入耳方

燒陵鯉甲末以水和灌之即出

借急療蟻入耳方

豕猪脂安耳孔上即出或兩邊

耳雜療方八首

廣濟療耳鳴或聾漬酒方

菖蒲 一斤

通草 一斤

磁石 一升 碎

綿裹

右三物切以絹袋盛清酒二斗浸之春夏三日秋冬五
日溫服三合漸加之至五合以下丸藥亦甚良

又為兩耳腫膿水出不聞人語聲方

一者

升麻

犀角

屑

梔子

各六分

玄參

八分

乾藍

芍藥

人參

各四分

大黃

八分

青木香

黃芩

芒硝

各六分

右十二味搗篩蜜和丸食後少時以枸杞根湯下二十

丸漸增之忌如常

又療兩耳腫方

青木香

防己

芍藥

玄參

白歛

大黃

芒硝

黃芩

各八分

赤小豆

十分

紫葳

八分

右十味搗散以榆木白皮搗汁和之塗布帛上貼腫取

消

千金痔卒方

細辛 一分

菖蒲 一分

杏人 三分

麝末 三分

右四味搗篩研杏人合之如脂棗核大以綿裹塞耳中

日一易小差二日一易夜去之且即著

又底耳方

燒黃礬搗末綿裹塞耳中二三日即差

尚德按
千金四
味各十
銖和搗
為丸乾
即著少
豬脂

又療耳乾聾不可出方

爛擣自死蚯蚓取汁灌耳不過數灌即挑出之

並出

第六卷中

千金翼赤膏主耳聾齒痛方

丹參 五兩

蜀椒 一升

大黃

白朮

細辛

芎藭 各一兩

大附子 十枚

乾薑 二兩

巴豆 十枚 去心

桂心 四寸

右十味剉以苦酒漬一宿以猪膏三斤煎三上三下藥

成去滓可服可摩耳聾者綿裹膏內耳中齒冷痛著齒

間諸痛皆摩腹內有痛以酒服一棗許大咽喉痛吞一

通按 附子十枚 千金 作二枚 尚德按 千金翼 蜀椒二升 乾薑 一兩

棗核大一枚 出第十一卷中

崔氏療風氣及腰脚并耳聾方

磁石 十二兩碎

石菖蒲 四兩

通草 三兩

瞿麥 二兩

山茱萸 三兩

白朮 三兩

獨活 四兩

芎藭 二兩

薯蕷 三兩

甘草 二兩

附子 二兩

桂心 三兩

生薑 五兩

杏仁 二兩去皮尖熬碎

茯神 二兩

人參

前胡 各三兩

葱白 切一升

竹葉 一握

石膏 二兩碎

右二十味切以水一斗四升煮取二升半去滓分三服

宜向暮服之令盡慎如常法五日禁食羊肉

鼻中息肉方一十一首

末本碎
字下有
歸裏二
字菖字
上有上
字

尚德按
伸病源
作生宋
本同

病源肺氣通於鼻肺藏為風冷所乘則鼻氣不和津液
塞而為鼻鼈冷搏於血氣停結鼻內故變生息肉其湯熨
針石別有正方補養宣導今附於後養生方導引法云端
坐伸腰徐徐以鼻內氣以右手捻鼻除目暗淚苦出徐徐
閉目吐氣鼻中息肉耳聾亦能除又云東向坐不息三通
以手捻鼻兩孔治鼻中息肉 出第二十九卷中
肘後療鼻中塞肉不通利方

礬石 一兩 燒

通草 半兩

真珠 一兩

右三味末以綿裹如棗核內鼻中日三易之有加桂心
細辛各一兩同前擣末和使用之

又方 辛各一兩同煎末吹入

陳瓜蒂擣末以傅塞肉上取差日三長之膏吹入

又方

礬石 燒

胡粉 熬各等分

右二味末之以青羊脂和塗塞肉上以差

又方

細辛 瓜蒂各等分末以吹鼻中須臾涕出頻

吹之即差

千金方以絮裹如棗大塞鼻中須臾通張文仲亦治鼻鼾不聞香臭

小品療鼻中塞肉通草散方

通草 半兩

真珠 六銖

礬石 一兩

細辛 一兩

右四物搗末以綿裹如棗核沾散如小豆并綿頭內

中日三取差

千金同

千金療鼻中息肉方

灸上星二百壯入髮際一寸又夾上星兩傍相去三

寸各百壯灸之取差

出第六卷中

千金翼鼻鼻中息肉不得息方

礬石

三分燒

藜蘆

二分

瓜蒂

二七枚

附子

二分炮

右四物搗末蘆管吹小豆許於鼻孔中或以綿裹塞鼻

中日再以差為度一方加葶藶半兩

出第十一卷中

崔氏療鼻中息肉不聞香臭方

兩
兩
千金翼
礬石半

燒礬石末以面脂和著鼻中數日息肉隨藥出千金同

必効療鼻中清涕生塞肉方

細辛 六分
附子 五分炮
甘遂 六分
通草 五分

乾薑 四分
吳茱萸 三分合
桂心 四分

右七味擣篩末蜜丸如杏人綿裹塞鼻卧時著卽涕出
日三避風以差爲度或以帛裹頭甚良妙

古今錄驗療鼻中息肉通草散方

通草
細辛
蕤人
雄黃研

皂莢 去皮子各一分
白礬 二分燒
礬石 三分泥裹 燒半日研

藜蘆 三分炙
地膽 三分熬
瓜蒂 三分
巴豆 十枚去皮

藜茹 三分
地榆 三分

右十三味搗篩末以細辛白芷煎湯和散傅息肉上又以膠清和塗之取差

又療鼻中息肉方

生地膽 一枚
細辛
白芷末

右三味以地膽押取汁和藥以塗貼息肉上取消亦只
以地膽汁於竹筒中盛當上灌之即消無生者乾即酒
煮汁用之

鼻齕方五首

病源肺主氣其經手太陰之脉也其氣通於鼻若脉藏調

所德按
乾即當
作乾者

和則鼻氣通利而知香臭若風冷傷於藏腑而邪氣乘於太陰之經其氣蘊積於鼻者則津液壅塞鼻氣不宜調故不知香臭而為鼻鼈也 出第二十九卷中

千金療鼻鼈方

甘遂

通草

細辛

附子

炮各一分

右四味擣末以白雄犬膽丸少許內鼻中差

崔氏同云卒熱涕出

四五升愈

又方

皂莢炙末如小豆以葦管吹鼻中

又方

通按
無礫字
疑是礫
字

以乾薑末吹之又蜜和塞之

又方

以鐵礫

一云礫

磨石取末以猪脂和綿裹塞鼻中取差

止

又方

伏面臨牀前以新汲水淋玉枕上取差

並出第六卷中通按玉枕腦後也

肺寒鼻鼈方二首

刪繁療肺寒損傷氣欬及多唾呼聲鼻塞乾棗補肺煎方

棗肉

二升取膏

杏仁

一升去尖皮研

酥

一升

薑汁

一升

蜜

一升

錫糖

一升

右六味依常微火煎每服一匙差止

又療鼻塞有清涕出方

細辛

蜀椒 汗

桂心

芎藭

吳茱萸 各三分

皂莢炙 屑二分

附子 八分炮

右七味切以苦酒漬一宿以猪脂一斤煎以附子色黃膏成以綿裹內鼻中兼以摩頂

鼻窒塞不通利方七首

小品療鼻中窒塞香膏方

白芷

當歸

芎藭

細辛

辛夷

通草

桂心

薰草 各三分

右八味呔咀以苦酒漬一宿以猪膏一升煎以白芷色黃成膏濾去滓取少許點鼻中或綿裹內鼻中以差止千金無桂心不用薰草用莽草

千金鼻塞多年不聞香臭清水出不止方

取當道車輾過蒺藜一把擣以水三升煎令熟先仰卧使人口含一合灌鼻中不過再大嚏出一兩箇息

肉似爛蟲卽差 一方用黃連各二兩

又療鼻室氣息不通方

小蘗一把

右一味以水三升煮取一升去滓分服

又方

綿裹瓜帶末少許塞鼻中 並出第六卷中

古今錄驗療鼻中不通利窒塞者香膏方

當歸

芎藭

青木香

細辛

通草

蕤核人

白芷 各二分

右七味切以羊髓微火煎白芷色黃膏成去滓以小豆

許內鼻中日再以差為度

千金有莽草無青木香云大熱鼻中赤爛者以黃芩梔子

代當歸細辛

又療人鼻塞不通皂莢散方

皂莢

一分炙去皮子

細辛

辛夷

蜀椒

附子 炮各等分

右五味搗末以少許吹鼻中或以綿裹塞之即通

又療鼻塞塞不得喘息皂莢散方

皂莢 去皮子炙

菖蒲 各等分

右二味以末綿裹塞鼻中暮卧之時乃著甚良

鼻塞常清涕方二首

病源夫津液涕唾得熱即乾燥得冷流溢不能自收肺氣通於鼻其藏有冷冷隨氣入乘於鼻故使津涕不能自收
出第二十九卷中

肘後療老小鼻塞常有清涕出方

杏人 二分

附子 二分

細辛 一分

右三味切以苦酒拌用猪脂五兩煎成膏去滓以點鼻
中即通又以摩顙上佳

必効療鼻塞多清涕方

細辛

蜀椒

乾薑

芎藭

吳茱萸

皂莢

去皮尖

附子

各三兩

猪膏

一升三合

右八味切咬咀以苦酒浸一宿以猪脂煎候附子色黃
去滓膏成凝以綿裹少許導鼻中并摩頂

鼻生瘡及疳蟲蝕方九首

病源鼻是肺之候肺氣通於鼻其藏有熱氣衝於鼻故生

瘡也養生方導引法云踞坐合兩膝張兩足不息五通治

鼻瘡

出第二十九卷中

千金療疔蟲蝕鼻生瘡方

燒銅筋投酢中以塗之

又方

綿裹人屎灰夜卧著之

又方

燒祀竈飯末以傅之

又方

燒牛狗骨灰末以臘月猪脂和傅之差

又方

燒杏人壓取油傅之又乳和傅

又方

取烏牛耳垢傅之良

又方

燒故馬絆末傅之

又方

取牛鼻頭津傅之良

並出第六卷中

必効療鼻內熱氣生瘡有膿臭并有蟲方

礬石一兩
燒

生地黃三兩
兩

苦參一兩

右三味切以水八合煮取三合以綿濾之微微點鼻中

日三五度差止

牙疼方八首

廣濟療牙疼巴豆丸方

巴豆

十枚去皮心
熬研如膏

大棗

二十枚
取肉

細辛

一兩
末

右三味相和研為丸以綿裹著所疼處咬之如有涕唾吐却勿咽入喉中日三差

崔氏療牙疼方

烏頭

獨活

郁李根白皮

各一兩

右三味切綿裹以好酒一大升半漬一宿緩火煎取一

一字下
東本有
天字

升去滓看冷熱漸含良久即吐却含取差齒痛不問風
蟲無不差必須含吐之不可咽却也有毒恐傷人單用
烏頭獨活亦差

又方

令患人所患牙齒齧宅東南桑枝一條教三姓人於
桑枝灸三炷一炷咒之曰東方有蟲子不食五穀專
食牙齒三姓灸齒痛嚙蟲自然死一咒一再拜即合
灸人患人等還不得迴頭更看之

張文仲療牙疼驗方

獨活 五分
莽草 二分
細辛 二分
附子 一枚

合宋本
作令

右四味切以苦酒五合浸以銅器中温之稍熱含良久吐却汁未差更含之勿咽汁欲食以煖水漱口甚良救急療牙疼方

莽草

細辛

枳根皮

各三兩

椒

一合汗

右四味切以水一升煮取半升細細含之十度永不發藥有毒不得嚥之含了以煖水三五度漱口訖以胡桐律一豆著痛齒上風痛蟲食並差

必効療牙疼方

取皂莢子擣末以綿裹如彈子大兩顆於醃醋中煮熱徹於牙疼處齧之冷卽易日三五度以差爲度

又方

取桃李槐並白皮各等分以酒煮含之取定

姜君療牙疼方

白楊皮

一握

地骨皮

一兩

椒

二七枚

杏仁

二七枚 去皮

細辛

一兩

生地黄

二兩 碎

好鹽

一合

蒼耳子

二兩 碎

右八味切以酒二升煎六七沸去滓含之冷即吐却別含以差為度

齒痛方一十一首

病源手陽明之支脉入於齒齒是骨之所終髓之所養若風冷客於經絡傷於骨髓冷氣入齒根則齒痛若蟲食齒

而痛者齒根有孔蟲在其間此則針灸不差傳藥蟲死痛
乃止其湯熨針石別有正方補養宣導今附於後養生方
導引法云常向本命日櫛髮之始叩齒九通陰咒曰大帝
散靈五老反真泥丸玄華保精長存左廻拘月右引日根
六合清鍊百疾愈因咽唾三過常數行之使齒不痛髮牢
不白頭腦不痛又云東向坐不息四通琢齒二七治齒痛
病大張口琢齒二七一通二七又解四通中間其二七大
勢以意消息差病而已不復疼痛解病鮮白不齧亦不踈
離久行不已能破金剛又云東向坐不息四通上下琢齒
三十六下治齒痛 出第二十九卷中

廣濟療齒痛及落盡石膽傳方

取石膽研以人乳汁和以傳齒痛上或孔中日三兩
度止痛後生齒百日復故齒生止每以新汲水漱令
淨

集驗療齒痛方

雞屎白燒灰末以綿裹置齒痛上咬咋之差

又方

芎藭

細辛

防風

礬石

燒令
汁盡

附子

炮

藜蘆

莽草

右七味各等分擣篩爲末以綿裹彈丸大酒漬熨所患

古處含之勿嚥汁 千金同

又方

獨活 三分

黃芩

芎藭

當歸

葶撥

各二兩

丁香

一兩

右六味切以水五升煮取三升去滓微微含漱良久吐

却更含

又方

含白馬尿隨左右含之不三五口差

張文仲備急同並出第六卷中

張文仲療齒疼痛方

燒牛膝根末以綿裹著齒痛處含之

又方

蜀椒 齒 寒 礬石

各一兩

右二味以水一升煎取六合去滓含之嗽口吐却勿咽

之

備急療齒痛方

胡菀子五升應是胡荽子也以水五升煮取一升含

吐之

謹按本草菀耳一名胡荽殺疔濕蟹封丁腫此治齒痛相近卽非是胡菀子也

又方

馬夜眼如米許以綿裹著痛孔中斷根源也

通按馬夜眼未詳何物

古今錄驗療齒痛方

胡荽蓋
億本
草類
既非

禹德按
下千金
作七

取楊柳細白皮卷如指大含嚼之以汁漬痛齒根

過即差

又方

獨活 三兩

芎藭 二兩

當歸 二兩

華撥 二兩

黃芩 二兩

甘草 二兩

細辛 二兩

雞舌香 一兩

右八味切以水五升煮取三升去滓含之取差

千金無甘草

齒疼方六首

千金療齒疼方

灸外踝下高骨前交脉三壯

又方

尚德按
一千金

以繩量手中指至掌後一橫文又折為四分量文後

當臂中灸一壯隨左右取之

又方

雞屎白以醋漬煮稍稍含之差

又方

生地黄一節 蒜一瓣

右二味擣以綿裹著痛處咬之勿嚥汁汁盡吐出日日

為之差止

又方

含驢尿須臾止 並出第六卷中

姜生療齒疼方

附子 一分

胡椒

萹撥 各二分

右三味擣末著齒痛上又以散用臘和為丸置齒痛孔上取差止

牙齒疼痛方八首

病源牙齒痛者是牙齒相引痛牙齒是骨之所終髓之所養手陽明之支脉入於齒若髓氣不足陽明脉虛不能榮於牙齒為風冷所傷故疼痛也又有蟲食於牙齒則齒根有孔蟲居其間又傳變餘齒亦皆疼痛此則針灸不差傳藥蟲死痛乃止

出第二十九卷中

高德按
臘瘦當
作蠟

高德按
傳變病
源作傳
受

廣濟療牙齒疼痛牙斷腫痺齒根宜露方

肥松節四分 細辛二分 蜀椒二分 胡桐律四分

右四味切以清酒四升煮十沸承熱含之冷即吐却更

含差止

又療牙疼齒痛方

取槐白皮一握切

右一味以酢一升煮去滓著鹽少許適寒温含日三易之

備急姚氏療牙齒疼痛方

注宋本作柱 又按錢疑當作盞

取枯竹燒竹一頭以注錢上得汁多著齒上即差

商德按 疑當

必効療牙齒疼痛方

防風

附子

蜀椒

各二兩

莽草

一兩

右四味擣篩為散温清酒一盞和少許含勿嚙汁以酒漱口十年患亦差止

又方

獨頭蒜煨之乘熱截一頭以熨痛上轉易之亦主蟲

痛

又礬石散療牙齒疼痛風齩蟲食挺根出齒已落者方

礬石

燒令汁盡

藜蘆

炙

防風

細辛

乾薑

白朮

椒

甘草

礬石下
宋本有
類羽切
說之蓋
字之蓋
齒也

蛇牀子

附子

炮各八分

右十味擣篩爲散温酒半升內散方寸匕攪調含之漱吐勿嚥之日三度差百日齒已落者還生每食時更以空酒漱去藥氣然後喫食

又療牙齒疼肉宜露風疼効方

荑若子擣末綿裏著痛上吐却汁勿嚥之良

又方

獨活 十兩

生地骨白皮

切三升

細辛 一兩

楓柳皮 一兩

甘草 二兩炙

右五味切以水五升煮取一升細細含勿咽冷卽吐之

杜宋本
作也

蓮接

甘皮蒲

卷中云

即甘草

不卜石

黛即青

黛否後

同

通按

杜姓草

一作杜

燒草

蜜齒方五首

病源齒蠶者是蟲蝕齒至斷膿爛汁臭如蝕之狀故謂之

蜜齒 出第二十九卷中

廣濟療蠶齒石黛散方

五月五日乾蝦蟇燒灰石黛甘皮各等分擣末以傅

齒上取差

尚德按石黛蓋是黑石脂李時珍本草黑石脂下云南人謂之畫眉石許氏說文云黛畫眉石也 又按甘皮即柑皮下同

又療蠶齒及口疳蟲食紫藍灰方

取紫藍燒作灰以塗傅之日三五度取差為度

又療蜜齒并蟲積年不差從少至老方

雀麥一名杜姓草似牛尾草一味苦瓠葉三十枚淨

高德按
證類引
外臺姓
作梳疑
梳之疑
說之疑
作星文
亦小異

外臺和要

三三

洗露一宿平且取草屈長二寸廣一寸厚五分以瓠
葉裹縛作五六十裹子以三年酢漬之至日中以兩
裹火中炮令極熱內口中齒外邊熨之冷更易取銅
器以水內中解裹於水中洗之即有蟲長三分老者
黃色少者白色多即三二十枚少即一二十枚此方
甚妙 千金同
必効近貴勝共傳蟹齒方

細辛

當歸

甘草 炙

蛇牀子

各一兩

青荊子

三兩

右五味搗以綿裹如大豆著齒上日三勿嚙汁差止

附

後同

又鑿齒方

韋給事處得之

每見月拜咒云月阿姑鑿齒蟲枯月阿姨鑿齒蟲死

以差卽止

齒風疼痛方三首

張文仲療頭面風口齒痛不可忍方

椒一合

莽草

十葉熬

白朮

崔李根

郁李根也

獨活

芎藭

各二兩

細辛

防風

各一兩

右八味切以酒三升煮三五沸去滓含之以差爲度勿

嚥汁

千金無白朮

救急療齒風動痛方

蒼耳一握以漿煮著鹽含之

古今錄驗療齒中風疼痛齩腫芎藭湯方

細辛

一兩

芎藭

二兩

附子

一兩

右三味切以水六升煮取二升去滓含之少許冷即吐却日三四度勿嚙汁

齩齒方七首

病源手陽明之支脉入於齒足太陽脉有入於頰遍於齒者其經虛風氣客之絡搏齒間與血氣相乘則斷腫熱氣加之膿汁出而臭侵食齒斷謂之齩齒亦曰風齩養生方

云朝夕琢齒齒不齩又云食畢當漱口數過不爾使人病

齩齒 出第二十九卷中

廣濟療齒齩痛方

五月五日蝦蟇

燒作灰

石黛

甘皮

細辛 白雞屎

麝香

乾薑

熏黃

右八味各等分以薄綿裹少許內蟲齒孔中日三易

差

集驗療齩齒方

取松脂銳如錐注齩孔內須臾齩蟲緣松脂出

又方 取白馬懸蹄少許塞孔中日三度即差止

煮雞舌香汁含之差

千金療齩齒及蟲齒方

白附子一分 知母一分 細辛五分 芎藭三分

高良薑二分

右五味末以綿裹少許著齩上勿燕汁日二三亦治口

氣

又方

取白馬懸蹄少許塞孔中日三度即差止

翼同並出 第六卷中

張文仲療齩齒方

以郁李根白皮切水煮濃汁含之冷易之當吐蟲出

備急齩齒方

皂莢炙去皮子末少許著齒痛上差

齒蟲方五首

病源齒蟲是蟲食於齒齒根有孔蟲在其間亦令齒疼痛
食一齒盡又度食餘齒養生方云雞鳴時常叩齒三十六
下長行之齒不蠹蟲令人齒牢又云朝未起早漱口嚼
滿口乃吞之輒啄齒二七過使人丁壯有顏色去蟲而牢
齒又云人能常服玉泉必可丁壯妍悅去蟲牢齒謂口中
嚼也

出第二十九卷中

高德按
作琢
源

小品療齒蟲腐棘刺漱湯方

腐爛棘鍼二百枚卽是棗木刺朽落地者用一物以

水二升煎取一升含之卽差日四五度以差爲度

刪繁療齩齒蟲方

葇若子三合青錢七文燒令赤取小口瓶子可令口

含得者將錢內瓶子中取葇若子一撮安錢上令爆

炆聲仍以水少許淋錢上卽氣出用熏齒冷止三合

藥盡爲劑蟲食齩齒風痛並用 千金同

又療蟲齒痛椒湯方

蜀椒 一兩
礬石 半兩
桂心 一兩

向德按
燒疑當
作此音
火聲

尚德按
腐疑當
作蠟

右三味以水三升煮取一升去滓含之漱齒勿嚥汁其
良

又附子塞蟲孔丸方

附子一枚炮末以臘和之為丸準齒蟲孔大小內之

取差止

必効殺齒蟲方

雄黃末以棗膏和為丸塞牙孔中以膏少許置齒燒

鐵篋烙之令徹熱以差止

一方有附子一枚

風齒方四首

病源手陽明之支脉入於齒頭面有風陽明之脉虛風乘

高德按
隨風病
脈源作陸

虛隨風流入於齒者則令齒有風微腫而根浮也
集驗療風齒疼腫悶方

出第一
十九卷中

莽草 二兩

右一味以水五升煎取三升含漱之勿嚥汁

又方

椒 二十粒

枳根皮

莽草

細辛

菖蒲

牛膝 各二兩切

右六味切以水四升煮取二升去滓細細含之以差為

度未差更作取差

備急療風齒疼刺腫方

煮獨活含之良

又療風齒腫杉葉湯方

杉葉 三兩

芎藭

細辛 各二兩

右三味切以酒四升煮取二升半稍稍含之取差勿嚙之

風齒根出方二首

廣濟療熱風齒斷肉欲盡根出恐是疔蟲食斷及耳鼻疼

痛方

石黛 五分

細辛

棘刺齒齩或菖蒲

香附子

當歸

青木香

胡桐律

乾薑 各四分

青葙子 六分

右十味擣為散以半錢七綿裹就齒痛處含之勿停差

止服後九方 一方無細辛有雞舌香

九方

苦參 八分

大黃

黃芩

枳實 各六分

地骨皮 六分

玄參 八分

黃連 八分

右七味擣篩蜜為丸食後少時以漿水服一十五丸日再服至二十九增減自量之忌蒜麩猪肉

風齒口臭方二首

廣濟療風齒口臭氣臭芎藭湯方

尚德按
齒字上
疑脫又
字李時
珍本草
引此以
為廣濟
方

芎藭 三兩

當歸 三兩

獨活 四兩

細辛

白芷 各四兩

右五味切以水五升煮取二升去滓含漱日三五度取
差

齒敗口臭方

取芎藭煮一味含之

牙齒風齩方三首

延年療牙齒風齩方

鼠粘子

右一味擣以水四升煮取二升半濾去滓適寒温含之

冷吐別含取差

又方

薏苡根 四兩切

右一味以水四升煮取二升含冷易之

又方

郁李根白皮 切四兩 細辛 一兩

鹽 一合

右三味切以水四升煮取二升半去滓內鹽含之取差

牙齒疼風蟲俱療方五首

廣濟療牙齒疼痛風蟲俱差方

獨活

防風 各四兩

芎藭

細辛

當歸 各五兩 沉香 八分 雞舌香油 零陵香 各五兩

黃芩 十分 升麻 八分 甘草 六分

右十一味擣篩炆臘少許九如小豆以薄綿裹當痛上含有汁嚙亦無妨口臭氣尤妙

又療齒痛不問蟲風者方

熏黃 一兩 莽草 一兩 臘月羊脂 蜀葵莖 兩枚

右四味擣熏黃等為末消羊脂以葵莖蘸脂點藥末注齒痛處孔中日三五度每令葵莖熱用之良

又療牙齒疼蟲痛含湯方

肥松脂 三兩 皂莢 一枚去皮 石鹽 七枚

右三味切以水二升煮取八合去滓温含冷吐之即差

止

崔氏療牙齒隱隱痛無問風蟲搖動齒斷脚宜露含此藥

効其斷便生方

取細柳枝捋去皮剉一升炒之內大豆一升和柳枝

更炒以豆炮聲盡於埴器盛之以清酒三升漬之經

三日含之頻吐即無妨兩劑無不愈其斷亦生

出第
四卷中

必効療風蟲疼痛方

取屋間蜂窠

一枚

椒 七粒

右二味以水升煎取半升含之或斷腫勿怪之

風衝牙齒搖動方二首

延年療風衝牙齒搖動方

車下李根白皮

郁李根也
三兩切

蒼耳子

三合
碎

右二味以水三升煮取二升含之良

又方

芎藭 三兩

細辛 一兩

防風 二兩

薏苡根

三兩

右四味切以水六升煮取三升去滓含漱齒日三五度

差止

疔蟲食齒方一十首

千金凡齒斷宜露多是疔蠶及月蝕方

以角蒿燒灰夜塗齒斷間使滿不過兩三度卽差慎
油膩沙糖乾棗及桂切忌之

又方

每旦以鹽一捻內口中以煖水含和鹽揩齒百遍可
長爲之口齒牢密

又凡人好患齒病多出月蝕夜食飲所致識者特宜慎之
所以日月蝕未平復時特忌飲食小兒亦然方

蚯蚓糞水和作稠泥團以火燒之令極赤末之如粉
以臘月猪脂和傅齒斷上日三卽差止

又疳蟲食齒根方

伏龍肝置石上著一撮鹽須臾化爲水以麪展取待凝厚取以內病上

又方

以皂莢去皮炙末塗上蟲即出

又方

純麻子燭燼研以井花水和傳之

又方

黑羶羊脂

莨菪子

各等分

右二味和先燒鋤盞使赤內其中煙出以布單覆頭令

煙入口熏之

並第六卷中

通按
釜音穹
受柄處

張文仲疳蟲方

大酢一升煮枸杞白皮一升取半升含之蟲即出

通按
姜生一
竹養生

姜生論云齒斷虛軟而無膿血又口罅其齒斷觸著即膿
血出又口疳其齒斷不觸自然膿血出又口瘻其齒斷上
有小孔如蜂窠形又齒疳其骨脆爛其齒斷唇口吻變作
白色或作青紫黑色者是急疳之狀死不過旬日宜急療之
先看脣頰邊有赤白黑脉處即須以針針去惡血便燒鐵
錐烙之如此變即定或附齒有黃色物如爛骨狀名為食
床凡療齒看有此物先以鉗刀略去之然後依方用藥其
齒斷內附著齒根者形如雞子膜有如蟬翼纏著齒者亦

須細看之不爾其齒斷永不附著齒根也病狀如前後方
自有委曲也又雄黃膏療齒中疔瘡蠶癭蟲蝕牙齒口裏
之疾皆療之其膏以十二月合即得一年用不爾難久停
方

好牛酥

五大兩

蜜臘

半兩

雄黃

一小兩研

朱砂

二分研

藁本

半大兩

藜蘆

二分

杏仁

四分去皮尖

芎藭

白芷

鰻鯽魚

升麻

各三分

右十一味以酥中煎諸藥魚令黃色去魚煎三上三下
入臘煎沫盡膏成收器中攪勿住手凝定以本方即諸
藥並為末不去滓甚良

又升麻措齒方

升麻 半兩

白芷

藁本

細辛

沉香

各三分

寒水石

六分

右六味擣篩為散每朝楊柳枝咬頭軟點取藥措齒香而光潔一方云用石膏貝齒各三分麝香一分尤妙

齒痛有孔方四首

備急療牙齒有孔方

葇若子數粒內齒孔中以臘封之即差

古今錄驗療齒痛有孔不可食飲面腫莽草湯方

莽草 七葉

蜀椒 九箇

右二味以漿水二升煮取一升適寒溫含滿口冷卽吐

之日二三含之 千金同

又療齒齩痛有孔方

取雄雀屎以綿裹內齒孔中日二易之

姜生療齒有孔方

附子 二分炮
去皮

蜜臘 五分

右二味相和爲丸塞齒孔中卽差忌冷水油膩

齒挺出及脫落方五首

廣濟療齒牙風挺出疼痛郁李根湯方

郁李根 五兩

芎藭 二兩

細辛 二兩

生地黃 四兩

宋本無
後字

宋本羊
腎脂三
青黛一
大青黛

右四味以水六升煮取二升半去滓先以鹽湯漱口然

後温含之冷即吐更含取差

崔氏療牙齒挺出疼痛不可忍方

羊腎脂

二合

滑淀

二合

牛糞

絞取汁一合

甘草

半兩生用末之

青黛

熏黃

半兩末

右六味相和銅器中微火煎五六沸取東引桃枝如筋

大六枝以綿纏頭點取藥更互熱烙齒斷際隔日又烙

之不兩三度看好肉生以差乃止欲烙時淨刮齒牙根

上然後為之不爾肉不生十餘日忌生冷酢酒肉陳臭

一年禁油

又療疔濕牙齒脫落刺脣穿破及下部侵蝕并痔蠶齒

燕之方 顧參軍授甘家秘之

青黛 二兩

雄黃 研

朱砂 研

葇若子 熬

青礬石

黃礬石

白礬石

並燒令汁盡

附子 炮

苦參

甘草 炙

藜蘆 炙

細辛

麝香

研各一兩

右十三味擣篩為散有前齒疾稍稍著病上日二三濕
蠶者以井花水平旦抄取半錢七水中服之兼以薄綿
裹如棗核許著蝕蟲蠶處日三差止下部中濕蠶蝕之
以苦參甘草作湯和半錢七灌之良 並出第四卷中

張文仲療齒根欲脫落方

取生地黃搗以綿裹貼齒根常含之甚妙

備急比見患齒風傷齒挺出一分者方

長咋地黃尤妙更不復發

齒間血出方三首

病源手陽明之支脉入於齒頭面有風而陽明脉虛風挾

熱乘虛入齒斷搏於血故血出也 出第二十九卷中

千金齒間血出者方

竹葉濃煮著鹽含之冷吐

又方

宋本
作長

尚德按
冷字下
千金有
印字

童子小便溫含之冷吐血即止

並出第六卷中

傷急療齒疼痛斷間血出神驗方

好鹽熬每夜封齒根上瀝水盡乃扣齒一二百遍即

差忌棗沙糖等

齒血不止方四首

千金療齒血不止方

刮生竹皮以苦酒漬之令其人解衣坐使人含嚙其

背三遍仍取茗草濃煮汁含之漱嚙終日爲之

又療齒斷間津液血出不止方

生竹筴四兩醋浸一宿含之

了按
了草子
今作竹
茗

又方

細辛 二兩

甘草 二兩
炙

右二味醋一升煮夜含之及熱尤良

又方

礬石 一兩燒末以水二升煮先拭血乃含之

並出第六卷中

齒腫方二首

千金療齒根腫方

松葉 一把

鹽 一合

右二味以好酒三升煮取一升含之冷吐差即止

又療齒腫痛及蟲方

尚德按
千金甘
草一兩
以醋二
升煮取
一升
三升煮
取一升

黃芩

甘草

桂心

當歸

細草

蛇牀子

各一兩

右六味切以漿水七升煮取三升去滓含之日三夜一

良並出第六卷中

牙疼痛及蟲方三首

必効療牙風疼方

取東牆下朽骨削之如疼牙齒許大於塘灰中煨燒令熱於所痛處齧之冷即易之

又牙蟲痛并蟲蝕方

以水煮露蜂房細辛各等分含之即差止

通按
細草一
本細辛
高德按
千金夜

通按

頤音堆

腫如堆

也

頤宋本

作頤下

有都雷

三字

尚德按

頤余其

切音頤

當從頤

為正

夕臺秘要

四

又療牙疼及頭牙斷風腫口急不開面目虛腫皆頤起者
方

蒟藿

五兩以水五升
煮取四升去滓

蜀椒

一兩

吳茱萸

獨活

烏賊魚骨

桃膠

各一兩

桂心

半兩

酒 一合

右八味切以水二升煮取八合投蒟藿汁及酒更煎取

一小升去滓含之就病處日三以差止為度

牙齒雜療方七首

集驗療齒楚痛方

生地黃

桂心

右二味合以含嚼咽汁無妨 千金同

刪繁瘰心虛寒口氣臭衝人又蟲齒痛芎藭散方

芎藭 八分
白芷 七分
甘草 五分
桂心 四分

杜衡 四分
當歸 五分

右六味搗篩為末以酒和方寸匕服之日二服

千金療酒醉牙齒漏血出方

燒釘赤炷血孔中即止

又療齒痛方

當歸
桂心
甘草 炙各二兩
礬石 六分燒

右四味切以漿水二升煮取一升含之日五六差止

張文仲療齒痛風引腫搖動發作不療蟲蝕盡方

不療宋本
作不聊

礬石六
蘇更有
細辛一
兩共五

礬石 燒

乾薑

藜蘆

蛇牀子

味以漿

甘草 炙

細辛

蜀椒

防風 各一兩

水五升

煮取三

升含之

日五六

夜三

右八味擣散以一錢七和溫酒二合含之勿嚥汁冷即吐出口三度差止齒落自復生甚効

又療歷齒稍碎壞欲盡方

礬石如棗大以綿裹含之取差

古今錄驗療牙齒根搖擬欲墮者齩齒方

取生地黃綿裹含之微嚼候汁味盡棄之乃更含之

緊唇方一十三首

病源脾與胃合胃為足陽明其經脉起鼻環於唇其支脉

入絡於脾胃脾胃有熱氣發於唇則唇生瘡而重被風邪

寒濕之氣搏於瘡則微腫濕爛或冷或熱乍差乍發積月

累年謂之緊唇亦名瀋唇 出第三十卷中

廣濟療緊唇水銀膏方

水銀

熏黃

青礬

苦參

各二兩末

絳緋 一方

亂髮

一雞子大

細辛

三兩末

右七物以絳裹髮用麻油一斤蠟二兩先煎苦參細辛

以緋髮消盡入水銀石藥及蠟候膏成收凝定以傅病

上取差為度水銀和石藥兩味研令盡入煎之

高德按一方宋作方

通披 澤音 汁也 厚常 濕如汁 也

又療緊脣瘡久不差石硫黃膏方

石硫黃 研

白礬 燒

朱砂 研

水銀

麝香

黃蘗

末各一分

右六味和水銀研於瓷鉢中以水銀盡用臘月猪脂和如泥先拭淨塗之日三五以差為度甚良

小品療緊脣方

以白布纏作燭著空斧中燒布斧刃有汗出以指歷

取塗病上取差

千金同

千金療緊脣方

灸虎口男左女右七壯

淨字下
宋本有
以二

又方

灸承漿三壯良

又方

青布燒灰酒服之又以脂和塗

又方

以蠟片灸貼之一宿差

又方

灸松脂貼上

又方

先灸瘡燒蛇皮灰以傳之

並出第六卷中

崔氏療緊脣方

取膝頭垢綿裹燒傳之

又方

取屠兒肉几上垢燒塗之

又方

燒人屎灰傳之

又方

馬芥亦名刺芥擣取汁日暴令濃先揩脣使血出以

藥七塗之亦療刺風

並出第四卷中

潘脣瘡爛方五首

肘後療瀝脣常瘡爛方

以五月五日鯉魚血墨和塗

集驗療瀝脣緊脣方

以青布卷燒炷著斧上取汁塗之良 千金同

又方

取亂髮蜂房六畜毛燒作灰以猪脂和如膏傳 千金同

又方

鼈甲及頭垢燒灰傳之 千金同

又方

礬石燒末和胡粉傳之差

脣瘡方三首

肘後療脣瘡方

以頭垢傅之日三

千金同

又方

以東壁土傅之

千金療脣瘡方

胡粉傅之

口瘡方一十一首

廣濟療口瘡煎方

龍膽

黃連

升麻

槐白皮

大青 各二兩

苦竹葉 一升

白蜜 半升

右七味切以水五升煮取一升去滓下蜜煎之塗口瘡

差

又療口舌生瘡含煎方

升麻

大青

射干 各三兩

梔子

黃蘗 各一升

蜜 八合

薔薇白皮 五兩

苦竹葉 一升切

生地黃 汁五合

生玄參 汁五合無用乾者二兩

右十味切以水六升煎取二升去滓入生地黃汁蜜煎

成一升如飴細細含之取差即止

又心脾中熱常患口瘡乍發乍差積年不差方

升麻 八分

大青

枳實 炙

甘草 炙各六分

苦參 七分

黃連 八分

生乾地黃 八分

右七味擣羅蜜丸以水服二十九日再忌如常法

集驗療口瘡方

升麻

黃蘗

大青

右三味切以水煮含之冷吐差止

又方

蘆根 四兩

黃蘗

升麻 各三兩

生地黃 五兩

右四味切以水四升煮取二升去滓含取差含極冷吐

却更含之

高德按
千金刺
藥作
微
字下有
次字

千金療口瘡不歇生牛膝漱口煎方

生牛膝

生蘘荷根

各三兩

刺蘘葉

一兩

右三味剉綿裹以酒三升漬一宿微煎一兩沸含之

必効口瘡方

黃芩

芍藥

羚羊角

屑

黃蘗

大青

苦竹葉

各二兩

升麻

三兩

右七味切以水七升煎取二升去滓內蜜二合攪含冷

吐以差止

肘後同

古今錄驗療口瘡湯方

細辛

甘草

桂心

各三兩

右三味切以酒一升煮取六合含之

又黃芩湯療口瘡喉咽中塞痛食不得入方

黃芩

黃連

甘草 炙

黃蘗 各一兩

右四味切以水三升煎取一升含之冷吐取差

又方

大青

四分

山梔子

黃蘗

各一兩

白蜜

半升

右四味切以水三升煮取一升去滓下蜜更煎一兩沸

含之取差止

又升麻散主口瘡方

升麻

六分

黃蘗

宋本黃
藥六分

右二味搗末以綿裹含之

口瘡久不差方二首

千金療口瘡不差入胃中生瘡三年以上不差方

薔薇根濃煮汁含之又稍稍嚥之三日三夜差冬取

根夏取莖葉

又方

以角蒿灰塗之一宿知二宿差勿嚥汁取差為度

又論云凡患口瘡及齒切禁油麪酒醬醋膩乾棗差後七

日斷之彌佳若不火慎尋手即發發而更療其差稍遲慎

之慎之薔薇根角蒿為口瘡之神藥人皆不知之

高麗按
三日三
夜千金
作日三
從一

口吻瘡方四首

病源足太陰為脾之經其氣通於口足陽明為胃之經手
陽明為大腸之經此二經並夾於口其瘡為虛為風邪濕
熱所乘氣發於脉與津液相搏則生瘡常濕爛有汗世謂
之肥瘡亦名驚口瘡

出第三十卷中

千金療口吻瘡方

嫩白皮及濕貼之數易取差

又方

掘經年葵根欲腐者彌佳燒灰以傅之

尚德按千金云及熱傅之

又方

尚德按
標千金
作松恐
說松白
皮不瘡
口吻瘡

高德按

燒字下

千金云

取滿及

熱傳之

高德按

作七

千金

高德按

千金分

兩同但

有生薑

六分共

六味

又方

白楊枯枝鐵上燒一頭取熱塗之

本方云熱膏物
熱宋本作漢

宋本三十作二

以新炊飯了甑屑及熱熨之三十下三兩差止

口乾燥方五首

刪繁療口熱乾燥甘草丸方

甘草 六分

炙

人參 六分

半夏 六分

洗

烏梅 六分

肉

棗膏 十分

右五味搗篩四味棗膏相和入蜜丸如彈子之差

金同分兩小異

千金療口乾除熱下氣方

石膏 五合碎

右一味以水三升煎取二升入蜜二升煮取一升去滓

稍稍含咽之差止

又口乾方

猪肪脂雞子大擘內醋半升漬一宿絞汁服之取差

為度

又方

酸棗一升 去核 酸石榴子 五合 乾葛 三兩 烏梅 五合

麥門冬 四兩 覆盆子 三合 甘草 炙 栝樓 三兩

右八味搗以蜜丸含如棗核大潤為度

尚德抄 千金云 羊脂若 猪脂又 云絞取 汁含之 尚德按 千金葛 根甘草 枯萋實 各二兩

張文仲主口乾方

乾棗肉

三兩

甘草

炙

杏人

烏梅

二兩

右四味搗以蜜和丸如棗核含以潤差止

口臭方九首

千金療口中臭方

桂心

甘草

細辛

橘皮

各等分

右四味搗篩以酒服一錢七差止為度

又方

甘草

五兩

芎藭

四兩

白芷

三兩

右三味搗篩以酒服方寸七日三三十日口香

又方

濃煮細辛含之久却吐甚良

又方

橘皮

五分

桂心

三分

木蘭皮

四分

芎藭

大分一云
棗四十箇

右四味搗篩以酒服方寸七日再服

一方無芎藭亦可
以棗丸含化

又方

大豆熬令焦以醋沃取汁含之

又方

細辛

豆蔻

右二味等分搗末煮含之甚良

又方

梔子

甘草

炙各三分

細辛

五分

桂心

二分

芎藭

四分

右五味搗篩蜜丸食後服七九日再差止

又方

芎藭

白芷

橘皮

桂心

各四分

棗肉

八分

右五味搗篩四物以蜜和棗肉爲丸食後服十九又含

之以差爲度此方甚驗

古今錄驗療口臭方

古今甘草 二兩
炙 口 臭 細辛 二兩
未

右二味臨卧三指撮以酒服之甚長 千金同

舌論一首

刪繁舌者主心小腸之候也舌重十兩長七寸廣二寸半
善用機衡能知五味凡有所噉若多食鹹則舌脉凝而變
色多食苦則皮藁而外毛拔多食辛則舌筋急而枯乾多
食酸則舌肉腴而脣揭多食甘則舌根痛而外髮落又曰
心欲苦肺欲辛肝欲酸脾欲甘腎欲鹹此五味內合五藏
之氣也若藏熱則生瘡脣揭赤色若腑寒則舌本縮而口
禁脣青寒宜補之熱宜瀉之不寒不熱依腑藏調之

舌本縮口噤方二首

爛繁療舌小腸腑寒應舌本縮口噤脣青獨活解噤膏方

獨活

芎藭 各三兩

天雄 一兩

防風 一兩

蜀椒 二合

莽草 十葉

細辛

桂心 各一兩

苦李根皮 三兩 猪肪 二升

右十味咬咀綿裹以苦酒一升淹漬一宿以猪肪微火

煎之去滓膏成凝以綿裹少許口含於舌下壓之取差

日三度易之此方甚良

又生艾葉薄法

無生艾葉者取乾者擣之以水淹一升已來熟擣以

帛塗之於寒處上封裹之以差為度

舌上瘡方二首

千金云舌上瘡不得食舌本強頸兩邊痛此因心虛熱所

致療之方

柴胡 升麻 梔子人 芍藥

通草各四兩 黃芩 大青 杏人去尖皮

生薑各三兩 石膏八兩

右十味切以水一斗煎取三升半分四服日三夜一

又療舌上瘡方

猪膏 一斤 蜜 二升 甘草 如指節 三寸

何德按 千金四兩作二兩 三兩 一作一兩 半八兩 作四兩 生薑一兩 羊水 一斗九升

右三味相和煎相得卽含棗許嚥之日三差止

咽喉舌諸疾方七首

千金喉舌諸疾方

松子

苦芥子

搗以苦酒和貼上

又方

麥麩以苦酒和塗之痛止

小品療喉諸病方

雞子一枚破以黃白攪吞之差

文仲療咽喉舌諸方

德按
字下

爪耳下張口解間突處痛爪勿止兩三食久即得咽
喉開

又方

隨所近左右刺手中指爪甲下令血出當先縛中指
令血聚刺之

備急療急喉咽舌病者方

隨病所近左右以刀鋒裁刺手大指甲後爪中令出
血即愈

又方

病人卧急爪其蹠心隨所近左右以差為良

通按
音雙
學也

通按一本咽喉舌諸疾方七首與前不同今附錄之

千金烏髮膏喉嚨者脾胃之候若藏熱喉則腫塞神氣不通方

生烏髮

十兩

升麻

三兩

通草

羚羊角

芍藥

各二兩

薔薇根

切一升

生地黃

切五合

猪脂

二斤

艾葉

六銖生者猶佳

右九味咬咀綿裹苦酒一升淹浸一宿內猪脂中微

火煎取苦酒盡膏不鳴為度去滓薄綿裹膏似杏人

大內喉中細細吞之

又方療喉痺

以牛角燒研末酒服方寸七

又方療喉痺痺卒不語

煮大豆汁吞之

又方療喉痺燥腫連頰吐氣數者名馬喉痺

馬鞭草一握勿見風截去兩頭擣汁服之差

又方療舌腫

以醋和釜底墨厚傅舌上下脫皮更傅消息取差

又方療舌脹

用雄雞冠血盞盛浸舌嚙下即縮

馬德抄 千金無 一痺字 吞作含 下五無 聖照註 肉德抄 燥子生 作原

肘後療舌上出血如鑽孔者

煎香薷汁服一升日三服盡

口脣舌鼻雜療方一十四首

頰濟療疳蟲蝕脣鼻齒口及餘處皆効方

石硫黃

研

乾漆

熬

文蛤

燒作灰

右三味各等分絹篩之每用減取胡桃大麝香棗核大
研和先拭上惡物血等然後傅之日三

肘後療脣裏忽生丸核稍大方

以刀鋒決之令血出差

刪繁療舌主心藏熱即應舌生瘡裂破脣揭赤升麻泄熱

煎方

新宋本
行子

升麻 三兩

射干 三兩

黃蘗 切一升

苦竹葉 切五合

大青 三兩

生蘆根

薔薇根白皮 各切一升

生玄參 汁五合

生地黄 汁五合

赤蜜 八合

右十味切以水四升煮七味取一升絞去滓下諸汁密

等候成煎放冷以綿取之封貼舌上含之細細嚥之以

差為度良 千金同

千金療舌上有瘡四五孔大如簪者出血如涌泉此心藏

病治方

戎塩 五分

黃蘗

黃芩 各五分

人參 一分

德林
全分

潘與此
不同

尚德按
千金分
兩與此
不同

尚德按
千金及

甘草 二分

大黃 三分

桂心 二分

右七味壽末蜜和丸以飲服十丸漸增之或燒錢篋烙

孔上

又療膀胱熱不已口舌瘡咽腫升麻煎方

升麻

大青

黃蘗 各二兩

薔薇根

射干

玄參 各四兩

蜜 五合

右七味切以水七升煮六味取一升去滓下蜜煎成合

之以差即止

又療口傍瘡方

亂髮灰故絮灰黃連末各等分以傅瘡取差

翼中有乾薑

翼並有
乾薑

尚德按
千金按

取汁洗

尚德按

千金用

雞屎白

尚德按
千金

又療唇邊生瘡連年不差方

以八月藍葉十斤擣汁澄取淀以傅之

又療唇舌忽生瘡方

燒雞舌香末綿裹傅之取差

又療唇黑腫痛痒不可忍方

取大錢四文於石上磨似泥或乾用臘月豬脂和塗之差

又方

以竹彈弓彈之要惡血出差

又療遠行唇口面皸破方

通按○無皸字一本作皸音均折裂也

卷之四

煎臘月豬脂傅之差

又療冬月脣乾坼血出方

搗桃人以豬脂和塗

張文仲療舌強不能言方

礬石

桂心

各一兩

右二味搗末傅舌上差

必効療舌忽然麤滿口方

以釜下煤和鹽等分以塗舌腫令遍溼清水塗之取

差止

通按一本有後六方今附錄之

千金療口瘡白漫漫方

取桑樹汁先以髮拭口次以汁塗之

又療口中及舌上生瘡

爛搗黃栢含之

又療重舌舌上生瘡涎出

以蒲黃末傅之不過三度差

又療舌無故出血不止

用槐花炒爲末摻上立止

又療鼻中外查癰膿血出者

正月取鼠頭燒灰和臘豬膏傅之

又療咽喉閉塞口噤方

用雄雀糞研末每服溫水調灌半錢七立差

右從事即充兩浙東路提舉茶鹽司幹辦公事趙子孟
較勘

大日本 醫官 平安山脇尚德玄飛甫 校刊

清水敬長源五甫 參校

重訂唐王燾先生外臺秘要方第二十二卷終